

守如如深謝崇真友步履攜筇不辭遠訪山居  
奈門風冷落  
清虛相待禮全疎微言頻勸諭省區區前程路險認取妙元初  
物物頭頭上一段靈光本來無欠無餘

贈小崔評

人間何最苦說著替君愁眼前生滅景象悠悠虛名薄利隨分  
少貪求幸遇嘉時節乘興偷閒訪尋霞侶雲儔更那堪猛悟  
回頭物外恣飄遊布袍襟袖闊好風流紛紛塵事一筆盡都勾  
磨瑩先天寶燦燦輝輝恰如朗月當秋

歲日贈馮六等

節令頻移改寒暑遞相遷光陰駒過隙古今傳曉來萬戶歡笑  
賀新年誰肯回光照紺髮童顏漸成衰鬢皓然願人人早悟  
根原搜覓妙中玄洞天風月下舞胎仙刀圭漱澀一顆大丹圓  
捧入青霄路步步無生任從海變桑田

贈兩山道友烏林答同監等

東南形勝地極目鎖嵐煙海山鍾異秀產英賢人多吉善息念  
屏囂喧是處追朋挹探妙蹟真共修物外因緣願由斯道念  
彌堅早早悟重玄慙勤營養就火中蓮清香馥郁遞互盡相傳  
異日真功滿拂袖攜雲逕超無上人天

月中仙

返照

道藏輯要

草堂集

三

歸集七  
川卷三

歷劫昏蒙爲恩情愛戀一向迷執爭頭競角覷巨浪洪波豈顧  
沈溺幸今生覺悟便拂袖開懷暢意返照從前事行蹤過跡翻  
作大縫隙 飄然做箇閒人向青松影下白雲堆裏怡怡自樂  
但詠歌談笑隨緣消日晚來增雅趣對天鑑澄澄湛碧次第銀  
蟾上昭彰奮離三島跡

### 望海

暑氣方闌漸雲收四野山海明霽憑高放目視萬里汪洋東連  
無極廓然風浪靜屢顯現嘉祥至瑞大哉玄元體澄清潔渺浮  
動乾坤勢 神功聖力難量信歸墟運轉無有休息恢張萬化  
任雲物飛翔魚龍遊戲混融千古秀隱三島十洲異域直待功  
道藏輯要

草堂集

三

昂集七

成後騎鯨笑傲超於彼

### 齊天樂

### 得遇

悟浮生幻化速把恩情愛戀俱棄垢面蓬頭麻衣紙襖海角天  
涯飄逸摧強挫銳守柔弱清貧忘憂忘恥劣馬顛猿頓然休歇  
杳無迹些兒玄玄妙理對碧天澄徹別是一家風味囉噠哩噠  
唇歌舌誕何有纖毫拘繫頻加敬禮幸出自吾師昔年提攜異  
日參從共赴蟠桃會

### 贈蔡德厚

用千方萬便惟把修行一一開露至道幽深玄機杳邈須仗十